


TEZAUUR LITURGIC

28 OCTOMBRIE

**ACATISTUL
SF. MARI
MUCENIȚE
PARASCHEVA
DE LA
ICONIUM**



MOSCOVA, 2000



Акафист

СВЯТОЙ ВЕЛИКОМУЧЕНИЦЕ

Параскеве, нареченной Пятница

Кондак 1

Избранной Богом от рода благороднаго, Иконійскаго града, премудрой и всехвальной невесте Христове, яко избавляеми тобою от искушений и бед, благодарственная пения и хваления воспоем ти молитвенницы твои, святая и многострадальная мученице Параскево. Ты же, имея дерзновение ко Господу, от всяких нас бед свободи, да со умилением и радостью зовем ти:

Радуйся, Параскево, невесто Христова всехвальная.

Икос 1

Ангелом честную и вселюбезную чистоту твоего сердца, многострадальная Параскево, непорочно сохранивши, ангелом собеседница быти сподобилася еси. С нимиже воспевая трисвятую песнь Богу на небеси, услыши и нас, верою и

любо́вию чту́щих тя и вопи́ющих ти хвалéния
сия́ на землѣ:

Рáдуйся, отрокови́це, Бо́гом Отце́м
предуста́вленная бы́ти сообра́зной в страда́нии
о́бразу Сы́на Его́;

ра́дуйся, и Сы́ном Бо́жиим укрепле́нная на
по́двиги страда́льческия.

Рáдуйся, и́стинную ве́ру в Животворя́щую и
Единосу́щную Тро́ицу свя́то соблю́дшая;

ра́дуйся, свято́е целому́дріе и де́вственную
непоро́чность до́бре сохрани́шая.

Рáдуйся, я́ко ра́достно уневе́стилася еси́
безсме́ртному Небе́сному Жениху́ Христу́;

ра́дуйся, земна́го обру́чника па́че Небе́снаго
зна́ти не восхоте́вшая.

Рáдуйся, я́ко цвет чистоты́, в неувяда́емой
сла́ве цвету́щая;

ра́дуйся, я́ко крин, воня́ми твои́х добродете́-
лей нам благоуха́ющая.

Рáдуйся, в Небе́сном вертогра́де
неизрече́нною ра́достью наслажда́ющаяся;

ра́дуйся, красне́йшаго па́че сыно́в челове́чес-
ких зрѣ́нием та́мо утеша́ющаяся.

Ра́дуйся, убели́вшая ри́зы тво́я в кро́ви
А́гнчей на земли́;

ра́дуйся, в ли́ке де́вственниц предстоя́щая
Бо́жиему А́гнцу на небеси́.

Ра́дуйся, Параске́во, неvéсто Христо́ва
всехва́льная.

Конда́к 2

Ви́девше благоле́пие лица́ твоего́, свята́я
му́ченице Параске́во, лю́дие удивля́хуся, взи-
ра́юще на тя, не у́ ве́дяще красото́й ду́ши твое́я.
Мы же, помина́юще светле́йшия па́че со́лнца
добродéтели тво́я, по́йм Го́сподеви,
дарова́вшему тебé благода́ть Свою́: Аллилу́иа.

И́кос 2

Му́дрости вмести́лище па́че ума́ мирских
мудреце́в яви́лася еси́, отрокови́це непоро́чная,
измла́да уклони́вшись от любве́ к ми́ру и
отве́ргшись всего́, я́же в ми́ре, все́ю полното́ю
любве́ твое́я возлюби́ла еси́ Небе́снаго Жени́ха
Христа́, Царя́ Сла́вы, Емуже́, я́ко ве́рная раба́, в
жити́и твоём апо́стольски послужи́ла еси́,
жи́вши свято́ среди́ невер́ных и безбоя́зненно
пропове́давши им Христа́ Бо́га. Таковому́ твоему́
ра́зуму дивя́щися, сия́ похвалы́ тебé воспису́ем:

Ра́дуйся, премудра́я Ева́нгельская де́во, во
све́те ве́ры и дел благи́х ходи́вшая;

ра́дуйся, Христа́ Го́спода, Бо́жию си́лу и Бо́-
жию премудро́сть па́че всего́ возлюбившая.

Ра́дуйся, па́че мудреце́в ми́ра сего́
мудре́йшая;

ра́дуйся, па́че ста́рец идолослужите́льных
разу́мнейшая.

Ра́дуйся, неверных све́том ве́ры просвеща́ю-
щая;

ра́дуйся, чад Це́ркве Христо́вы в ве́ре
утвержда́ющая.

Ра́дуйся, любви́ю твоёю ко Христу́ анге́ль-
ская ликостоя́ния возвеселя́ющая;

ра́дуйся, де́монския лука́вствия ору́жием
Креста́ Господня́ отгоня́ющая.

Ра́дуйся, в пропове́дании ве́ры
богоглаго́ливая уста́ апо́стольская;

ра́дуйся, дев христиа́нских украше́ние.

Ра́дуйся, ве́рная ко Христу́ Бо́гу
моли́твеннице о нашем спасе́нии;

ра́дуйся, всех скорбя́щих кре́пкое заступле́-
ние и огражде́ние.

Ра́дуйся, Параске́во, неvéсто Христо́ва
всехва́льная.

Конда́к 3

Си́лою Христо́вою соблюда́ема, всесла́вная
му́ченице Параске́во, о боле́знях телесных
небрегла́ еси́, по́двигом до́брым подвиза́тися хо-
тя́щи. Му́жеским смы́слом воору́жившия,
сла́бость же́нскую отве́ргла еси́, упова́нием же
укрепи́вшия, ра́достно предста́ла еси́ на суди́-
ще, иде́же я́сно ве́ру в Тро́ицу Божество́нную
пропове́дала еси́, Бо́гу вопию́щи: Аллилу́иа.

И́кос 3

Слы́шав от тебе́, му́драя дочь, непра́ведный
судия́ неслы́ханная словеса́ о твоём рождéнии,
я́ко благочестивии роди́тели твой, стра́сти Хри-
сто́вы почита́юще, знаменита́го дне тезоимени́ту
тя нареко́ша, Параске́вою, в предзнаменовáние,
я́ко Христо́вых страсте́й има́ши бы́ти
прича́стницею. Не ра́зуме же сего́ нечестивый
иге́мон, но веща́ше ти безсту́дная словеса́ и по-
велé бити́ тя сурóвыми жи́лами и полумёртву́ ты
су́щу вве́ргнути в темни́цу. Ты же, до́блественне
претерпе́вши жесточа́йшия му́ки, в темни́це,
а́ки в черто́зе свéтле лику́ющи, вопия́ла еси́:

«Никогда́же отлучу́ся Тебе́, Го́споди, но послі́ ми по́мощь Твою́ и спасі́ мя вели́кия ра́ди Твоея́ ми́лости». Те́мже, ублажа́юще тя, вопи́ем ти та-кова́я:

Ра́дуйся, незло́бивая голу́бице, от искуше́ний лука́ваго врага́ свободи́вшаяся;

ра́дуйся, словесна́я а́гнице, от зла́го во́лка мучи́теля к до́брому Па́стырю Христу́ Бо́гу прибе́гшая.

Ра́дуйся, во двор словесных овец, одесну́ю Его́ стоя́щих, вше́дшая;

ра́дуйся, на брак А́гнчий ра́достно теку́щая.

Ра́дуйся, я́ко тебе́ угото́вано есть благ вѣчных сокрови́ще;

ра́дуйся, я́ко тебе́ обетова́но есть блаже́нство Ца́рства Небе́снаго.

Ра́дуйся, премудра́я Ева́нгельская де́во, све́тло горя́щий свети́льник иму́щая;

ра́дуйся, дерзнове́ние ве́лие ко Христу́ Бо́гу стяжа́вшая.

Ра́дуйся, во́лею свое́ю благо́е и́го Христо́во на ся подъя́вшая;

ра́дуйся, се́рдце своё от вся́кя лэ́сти
душевре́дныя ч́исто сохрани́шая.

Ра́дуйся, и́стинная Христо́вых страсте́й
прича́стнице;

ра́дуйся, во страда́ниях твои́х благода́тную
по́мощь от Христа́ Го́спода получи́вшая.

Ра́дуйся, Параске́во, неvéсто Христо́ва
всехва́льная.

Конда́к 4

Бу́рю тяжких искуше́ний воздвиго́ша врази́
проти́ву тебе́, многострада́льная Параске́во; ты
же от твои́х крове́й трудолю́бно ча́шу страда́ний
испила́ еси́, жела́ючи по Христé, Жени́се твоём,
во след потещи́, прехва́льная му́ченице, и я́ко
ла́стовица доброгла́сная, песнь воспева́ла еси́
Христу́ Бо́гу: Аллилу́иа.

И́кос 4

Име́я всегда́ пред о́чами свои́ми Го́спода, за
испове́дание ве́ры па́лицами немилостивно от
мучи́телей би́ема, ра́довалася еси́,
приснопа́мятная му́ченице Параске́во,
вопи́ющи: «Ничто́же мя разлучи́т от любви́ Твоея́,
Христé», и та́ко подви́заяся во Сла́ву Бо́жию,

угоди́ла еси́ Го́споду. Те́мже, помина́юще
честна́я твоя́ страда́ния, с умиле́нием зове́м ти:

Ра́дуйся, а́гнице вседо́бляя,
Пасты́ренача́льнику Христу́ прине́сшаяся, я́ко
же́ртва благоуха́нная;

ра́дуйся, безсме́ртному Жениху́ Христу́ непо-
ро́чное муче́ние твоё, я́ко ве́но пречестно́е,
предста́вившая.

Ра́дуйся, отрокови́це чи́стая, и́стинное испо-
ве́дание ве́ры Правосла́вныя пред неве́рными
яви́вшая;

ра́дуйся, пра́ведная обли́чительнице,
непра́вду нечестива́го судий я́ве открыв́шая.

Ра́дуйся, я́ко тобо́ю посрами́ся лука́вый враг,
ви́дящ себё́ от ю́ной де́вы побеждё́нна;

ра́дуйся, я́ко ра́дуются о тебё́ и си́лы небёс-
ныя, ви́дяще тя не́мощну и мла́ду су́щу,
побежда́ющую лю́тых мучи́телей.

Ра́дуйся, голу́бице чи́стая и непоро́чная се́рд-
цем;

ра́дуйся, смире́нная а́гнице, благоуспе́шно
честне́й и блаже́нней стра́сти Госпо́дней
уподо́бльшаяся.

Ра́дуйся, я́ко прине́слася еси́ Зижді́телю тво-
ему́, я́ко кади́ло благово́нное;

ра́дуйся, я́ко зри́т на тя пресве́тлое Со́лнце
пра́вды, тридне́вно возсия́вшее от гроба́ и
укрепи́вшее тя к по́двигу страда́льческому.

Ра́дуйся, я́ко за пресла́вная тво́я страда́ния
сподо́билася еси́ вни́ти в черто́г Христа́, Царя́
Небе́снаго;

ра́дуйся, я́ко та́мо вку́пе со святы́ми наслаж-
да́еши́ся неизрече́нною ра́достью.

Ра́дуйся, Параске́во, неве́сто Христо́ва
всехва́льная.

Конда́к 5

Боготе́чною звездо́ю прешла́ еси́ в ми́ре,
страстоте́рпице сла́вная Параске́во, я́сно ве́ру во
Христа́ все́м пропове́даючи. Страда́ния мно́га и
лю́та му́жески претерпе́вши, мучи́теля
посрами́ла еси́ и ко Христу́ Го́споду, я́ко Све́ту
незаходи́мому, ра́достно востекла́ еси́. Ему́же
предстоя́щи с ли́ки пра́ведных, вы́ну вопи́еши:
Аллилу́иа.

И́кос 5

Ви́дяще си́лы небёсныя плóтию стра́ждущую
Содéтеля ради страстотéрпицу Параскёву, Егó
си́лою кре́пящуюся, глаго́лаху: «Се, и дéвы на
земли́ просла́виша Го́спода!» Чело́вцы же,
тре́петом одержи́ми, ужа́сахуся и удиви́ающеся,
пéсньми прославля́ху: «О чудесе́! Дéва врага́ по-
беди́ и мо́лится ми́лостивому Влады́ке за спасé-
ние ми́ра». Сего́ ра́ди и мы, помина́юще
испо́лненное вéры му́жество твоё, пресла́вная
му́ченице, ублажа́ем тя, глаго́люще:

Ра́дуйся, до́блественная страстотéрпице, в
защíту вéры Правосла́вныя подви́завшаяся;

ра́дуйся, наветов вра́жиих му́драя
разорительнице.

Ра́дуйся, Иконийскаго гра́да учи́тельнице;

ра́дуйся, идо́льской сýетной лéсти
обличительнице.

Ра́дуйся, вёрных смы́слы воня́ми добродéте-
лей твои́х благово́нствующая;

ра́дуйся, смрад стра́стный благода́тию, свы́-
ше ти да́нною, отгоня́ющая.

Ра́дуйся, ёллинския куми́ры, я́ко прах,
уничжи́вшая;

ра́дуйся, тво́ими по́двиги, и́же к Бо́гу, тьмы
нача́льника низложи́вшая.

Ра́дуйся, го́рняя, па́че до́льних, восхожде́ния
в се́рдце тво́ем положи́ти возлюбив́шая;

ра́дуйся, Христу́ Го́споду, Человеколю́бцу, всю
себе́ преда́вшая.

Ра́дуйся, подо́бно перво́мученице Фё́кле, мног
наро́д сло́вом Бо́жиим просвети́вшая;

ра́дуйся, неве́рных к Боже́ственной ве́ре
приве́дшая.

Ра́дуйся, Параске́во, неvéсто Христо́ва
всехва́льная.

Конда́к 6

Пропове́дницу чуде́с и сла́вы Бо́жия яви́ла
еси́ себе́, до́блестная му́ченице Параске́во, по́сле
пресла́внаго исцеле́ния в темни́це, от Христа́
Го́спода тебе́ дарова́ннаго. Ему́же возсыла́я бла-
года́рственная моле́ния, ра́достно мы вопи́ем:
Аллилу́иа.

И́кос 6

Воссия́ла еси́, я́ко светоза́рная звезда́,
обагри́вшись ка́плями кро́вными, и Боже́ствен-
ною благода́тию отгна́ла еси́ безбо́жия тьму,

мученице Параскёво, просветивши верныя, чтущия твоя доблественныя подвиги. Тёмже восхваляюще тя, усёрдно вопиём ти:

Радуйся, богомудрая дево, Христо́вых страстей общнице;

радуйся, в темнице ти сущей, а́нгельскаго посещения сподобльшаяся.

Радуйся, в отраду болёзней твоих орудия страстей Христо́вых созерца́вшая;

радуйся, Честный Крест и терно́вый венёц нетлénнаго Жениха́ твоего́, Христа́, узрѣвшая.

Радуйся, язвы Го́спода на теле твоём носившая;

радуйся, от всех язв Тёмже Го́сподом чрез а́нгела исцелённая.

Радуйся, яко То́йже Го́сподь дарова́л тебѣ крёпость и премудрость, ейже не возмого́ша противитися вси противля́ющися и́стине;

радуйся, от кровей твоих свѣтлую себѣ ри́зу истка́вшая.

Радуйся, яко тобо́ю от мно́гих ран грѣшнии исцеля́ются;

ра́дуйся, я́ко тобо́ю от разли́чных боле́зней, с ве́рою тя призы́вающе́и, здра́вие прие́млют.

Ра́дуйся, уз грехо́вных ско́рая реши́тельнице;
ра́дуйся, о всех христиа́нах пред престо́лом Бо́жиим ве́рная моли́твеннице.

Ра́дуйся, Параске́во, неве́сто Христо́ва
всехва́льная.

Конда́к 7

Хотя́щу безу́мному мучи́телю иге́мону жела́ние свое́ улучи́ти и па́ки покуша́ющуся ласка́тельными словесы́ тебе́, свята́я му́ченице Параске́во, от и́стиннаго Бо́га обрати́ти к поклонё́нию и́долом; ты же, я́ко богому́драя де́ва, вразумля́я его́ в суётстве и́долов, рекла́ еси́ ему́: «Покажи́ ми, иге́моне, бого́в, ихже ты мни́ши исцели́вших мя от ран», и по велё́нию мучи́теля прише́дши в храм и́дольский, помоли́лася еси́ еди́ному и́стинному Бо́гу, от Его́же Свята́го и́мене вси и́доли падо́ша и разсы́пашася в прах, во увере́ние, я́ко еди́н есть Бог, прославля́емый во Святе́й Тро́ице, Ему́же вку́пе со святы́ми а́нгелами вы́ну вопи́еши: Аллилу́иа.

И́кос 7

Но́вую показа́ безчелове́чия я́рость
зверообра́зный мучи́тель, егда́ тебе́, свята́я
му́ченице Параске́во, повеле́ на дрéве повеси́ти
и свеща́ми горя́щими опаля́ти твоя́ деви́ческая
ребра́. Си́е пачеесте́ственное терпе́ние твоё́ бла-
гоговейно́ воспомина́юще, похва́лами блажи́м тя
сицевы́ми:

Ра́дуйся, многообра́зныя боле́зни за Царя́
Христа́ Бо́га претерпе́вшая;

ра́дуйся, я́ко пред лицéм челове́ческим а́ще и
му́ку прия́ла еси́, упова́ние же твоё́ безсме́ртia
исполнено́ есть.

Ра́дуйся, я́ко пове́шена была́ еси́ на дрéве
Христа́ ра́ди, на Кресте́ распя́таго, да венце́м не-
тле́ния от Него́ увязе́шися;

ра́дуйся, я́ко стро́гана была́ еси́ по ребро́м,
Иису́са ра́ди копи́ем в ребро́ прободённаго, да
Ца́рствием Его́ Небе́сным наслади́шися.

Ра́дуйся, я́ко огонь́ любве́ к Бо́гу в се́рдце тво-
ём возжгла́ еси́;

ра́дуйся, я́ко за Того́ свеща́ми о́гненными
пали́ма была́ еси́.

Ра́дуйся, тверде́йшая адама́нта в терпе́нии
твоём показав́шаяся;

ра́дуйся, в ве́ре во Христа́ Го́спода крепча́е
па́че ка́мене, в му́жестве непоколеби́мом
пребы́вшая.

Ра́дуйся, я́ко огнём опаля́ема, о́гненной
му́дростию пла́мень угаси́ла еси́ естество́нный;

ра́дуйся, я́ко свещу́ неугаси́му душе́вную
соблю́дши, вошла́ еси́ со Хри́стом, Жени́хом тво-
и́м, в черто́г Небе́сный.

Ра́дуйся, я́ко чуде́сными и́скрами стра́сти
умертви́вши, де́монския полки́ страда́льчески
победи́ла еси́;

ра́дуйся, я́ко страда́ниями твои́ми мног
наро́д к познáнию и́стиннаго Бо́га привела́ еси́.

Ра́дуйся, Параске́во, невесто́ Христо́ва
всехва́льная.

Конда́к 8

Стра́нное и стра́шное свята́я му́ченицы
Параске́вы страда́ние ви́дяще, ве́рнии
удивля́хуся зело́: ка́ко мла́да отрокови́ца су́щи, в
ю́ности телеси́ такова́я му́жественно за Хри-
ста́ терпит му́ки, слéзнаго испо́лнилася
умилéния? Неве́рнии же трéпетом одержи́ми и

чудесными іскрами опаляеми от Ангела, бежаху. Мы же, прославляюще дивнаго во святых Бѹга, вопием: Аллилуиа.

И́кос 8

Весь Сладчайший Иису́с сла́дость, весь жела́ние тебе́ бысть, святая́ му́ченице Параске́во: сла́дце бо Его́ ради го́рькия терпе́ла еси́ му́ки, глаго́лющи к мучи́телю: «Вра́же нечестивый иге́моне, что неістовствуеши на христиа́ны? ни ца́рства у тебе́ отъях, ни гра́да твоего́ разори́х, но бу́ими словесы́ увещати́ мя помышля́еши. Аз плоти́ моея́ не щажду́ за Христа́ моего́, зане́ Он лю́бит мя: к Нему́ пойду́ и Того́ бу́ду неvěста. Той мене́ спасёт от рук враг моих и да́рует ми жизнь вѣчную». Помина́юще сицевая́ твоя́ словеса́ и до́блественныя по́двиги твоего́ испове́дничества, вопием ти:

Ра́дуйся, зло́бы неvěрных не устраши́вшаяся;
ра́дуйся, тва́ри па́че Созда́вшего не послужи́вшая.

Ра́дуйся, во е́же сопроти́влятися враго́м Бо́жиим, в духо́вное всеору́жие благода́ти Бо́жией обле́кшаяся;

ра́дуйся, и́долом немы́м и глухи́м в ка́пище
и́дольском не покло́нившаяся.

Ра́дуйся, и́менем всеси́льнаго Го́спода и
твоёю к Нему́ моли́твою вся и́долы та́мо
сокруши́вшая;

ра́дуйся, де́монов кова́рствия Боже́ственнойно
си́лою упраздни́вшая.

Ра́дуйся, томле́ния мучи́телей Кресто́м
Госпо́дним, я́ко держа́вным ору́жием, му́жески
победи́вшая;

ра́дуйся, о́гненное опале́ние и жже́ние
де́вственнаго телесе́ твоего́ в воню́ ми́ра Христу́
Бо́гу прине́сшая.

Ра́дуйся, ве́ру, наде́жду и любо́вь к Бо́гу
сохран́шая;

ра́дуйся, побе́ды вене́ц от ру́ки Христа́ Жиз-
нода́вца прие́мшая.

Ра́дуйся, реко́, испо́лненная благода́ти Бо́жия
вода́ми;

ра́дуйся, исто́чнице, кипя́щий чуде́с
излия́нии.

Ра́дуйся, Параске́во, невесто́ Христо́ва
всехва́льная.

Конда́к 9

Все́ми богокра́сными ле́потами добродете́лей украси́вши себе́, прехва́льная му́ченице Параске́во, яви́лася еси́ тве́рда и непоколеби́ма во испове́дании ве́ры Христо́вы. Сего́ ра́ди а́нгельское естество́ ве́лиею возра́довася ра́достью, узре́вше му́жественную кре́пость твою́ и тве́рдое твоё упова́ние. И мы слы́шавше, ка́ко посрами́ся лука́вый враг, от де́вы побежда́емъ, и ка́ко Сам Христо́с Бог досто́йно венча́ет тя му́ченицу, купно с тобо́ю ра́достно вопие́м прославля́ющему тя Го́споду: Аллилу́иа.

И́кос 9

Витийству́ющий язы́к не возмо́жет восхва́лити де́ла тво́я и вели́кия страда́льческие тво́я по́двиги по достоя́нию, сла́вная му́ченице Параске́во. Кто бо по́ведеть страда́ния тво́я и добродете́ли? На суди́щи бо испове́давши и́стиннаго Бо́га, от безчелове́чных мучи́телей претерпе́ла еси́ лю́тая, боле́зненная страда́ния; и в сих жесто́ких боле́знях бы́вши па́лицами би́ема, желе́зными ного́тьми строга́ема и огне́м па́лима, ничто́же и́но веща́ла еси́ к Созда́телю твоему́, то́кмо сие́: «Спаси́ мя, Го́споди, недосто́йную рабу́, не разлучи́ мене́, Христэ́, от

Твоего желанія!» Смирённо поминающе сицевая твоя страданія, умилённую песнь приносим ти, глаголюще:

Радуйся, крoвию страданія твоего Христу́ Богу уневёстившаяся;

радуйся, страстём Христовымъ подражавшая.

Радуйся, любви ради Господни жестокия мучёния претерпёвшая;

радуйся, от Небёснаго Царя́ благолёпный вене́ц восприявшая.

Радуйся, яко всемъ вёрнымъ воспоминаніе твоё пресладко;

радуйся, яко всей Цёркви Христовой имя твоё пречёстно.

Радуйся, досточудное а́нгеломъ и челове́комъ зрёлище бывшая;

радуйся, и са́мыхъ мучителей непобедимымъ терпёниемъ твоимъ удивившая.

Радуйся, яко Самъ Господьъ свы́ше призрётъ на твоя́ страданія;

радуйся, яко Самъ Той Подвигополо́жникъ похвали́ твоя́ подвиги.

Радуйся, де́вамъ добро́то и похвалёние;

ра́дуйся, му́чеником красото́ и ве́рным уте-
ше́ние.

Ра́дуйся, Параске́во, невесто Христо́ва
всехва́льная.

Конда́к 10

Спасти́ хотя́ ду́шу твою́, о теле́ твоём
вся́чески небрегла́ еси́, свята́я му́ченице
Параске́во. Егда́ бо на тя и ме́чное на смерть
осу́жде́ние изы́де от беззако́ннаго мучи́теля, ты
под меч о́стрый, а́ки под вене́ц кра́сный, ра́дост-
но потекла́ еси́; и во главу́ усекновена́ б́вши,
душе́ю твоёю воспари́ла еси́ в черто́г Жени́ха
твоего́ Безсме́ртнаго, Христа́ Бо́га, Ему́же вы́ну
на Небесе́х ны́не воспева́еши: Аллилу́иа.

И́кос 10

Стена́ была́ еси́ кре́пка и непоколебима́ во
испове́дании ве́ры в Триеди́наго Бо́га. Сего́ ра́ди
многоболе́зненная страда́ния от мучи́теля
претерпе́ла еси́ и, до́бре сконча́вши течё́ние
твое́, вене́ц от Христа́ Бо́га прия́ла еси́, и
а́нгельских ликостоя́ний на Небеси́ сподо́билася
еси́. Те́мже воспомина́юще тво́я по́двиги, убла-
жа́ем тя, многострада́льная:

Ра́дуйся, течéние мýченическаго пути́ дóбре
скончавшая;

ра́дуйся, вéру безсмéртному Жениху́ Христу́
до смéрти сохрáншая.

Ра́дуйся, в жити́и твоéм богоугодными́ дéлы
Гóсподеви послужившая;

ра́дуйся, за любóвь ко Христу́ Бóгу всю
мирскую́ суету́ отвéргшая.

Ра́дуйся, сíлою свýше на брань протíву сил
преиспóдных препоя́санная;

ра́дуйся, победоно́сною сла́вою в вы́шних от
Христа́ Победите́ля одéянная.

Ра́дуйся, ору́жием благово́ления Бóжия
венча́нная на земли́;

ра́дуйся, цвéтом неувяда́емым укра́шенная
на Небесí.

Ра́дуйся, христиа́ном крéпкое прибéжище;

ра́дуйся, вéрным твéрдое заступлéние.

Ра́дуйся, безпомóщных защíтительнице;

ра́дуйся, сíрых покровíтельнице.

Ра́дуйся, Параске́во, невéсто Христо́ва
всехва́льная.

Конда́к 11

Пѣ́ние на́ше вся́кое побежда́ется, и мно́гое мно́жество хвале́бных пѣ́сней, воспису́емых ти, несть дово́льно по досто́янию восхва́лити тя, прехва́льная му́ченице Параске́во. Оба́че моли́твами твои́ми получа́юще от Христа́ Бо́га неисче́тная благодея́ния, благода́рни су́ще, поём о тебѣ́ Ему́: Аллилу́иа.

И́кос 11

Воссия́вши нам, я́ко свети́ло светоза́рное, мрак де́монский от челове́к твои́ми мо́льбами отгоня́еши, свята́я му́ченице Параске́во, прие́мши бо благода́ть цели́ти недуги, всем ве́рным, притека́ющим к тебѣ́ с моли́твою, пода́еши исцелѣ́ние: кровоте́чии бо и прокаже́ннии прикоснове́нием к ра́це мо́щей твои́х очища́ются, глу́си слы́шат, осла́бленнии здра́ви быва́ют призыва́нием свята́го твоего́ и́мене. Мы же, помина́юще ско́рое заступле́ние твое́, вопие́м ти:

Ра́дуйся, благово́нная сми́рно, Це́рковь Христо́ву благоуха́ющая;

ра́дуйся, благонаде́жная моли́твеннице, фими́ам моли́твы о нас к Бо́гу принося́щая.

Ра́дуйся, мирополо́жнице исцелéний
неоску́дная;

ра́дуйся, сокро́вище Бо́жиих даро́в
неиждива́емое.

Ра́дуйся, ча́ше, от оби́лия до́му Бо́жия
че́рплющая ра́дость;

ра́дуйся, сосу́де, от исполне́ния Христо́ва
прие́млющий всех благ небéсных сла́дость.

Ра́дуйся, благода́тную ро́су исцелéний всем
ве́рным источа́ющая;

ра́дуйся, ско́рбныя сердца́ неду́жных
дарова́нием исцелéний ободря́ющая.

Ра́дуйся, я́ко Христос Бог за до́блественная
твоя́ страда́ния сла́ву и велеле́ние на тя
возложи́л есть;

ра́дуйся, я́ко тебе́ Царь ца́рствующих и Гос-
по́дь госпо́дствующих блаже́нство Ца́рствия
Своего́ дарова́л есть.

Ра́дуйся, Ца́рствия Христо́ва сонасле́днице;

ра́дуйся, сла́вы Бо́жией соприча́стнице.

Ра́дуйся, Параске́во, невесто Христо́ва
всехва́льная.

Конда́к 12

Благода́ть от Бо́га дана́ ти есть подава́ти исцелё́ния всем тре́бующим, я́ко от исто́чника пребога́того, хранити же и соблюда́ти от разли́чных боле́зней, бед и скорбе́й вся́каго чело́ве́ка, ве́рою, любóвию и благоговéнием честна́я твоя́ страда́ния воспомина́ющего и почита́ющего. Моли́твеннаго твоего́ о нас предста́тельства и благода́тных дарова́ний не лиши́ и нас, многострада́льная Христо́ва страстоте́рпице. Да и мы, здра́ви су́ще те́лом и ду́хом, в ны́нешней и бу́дущей жи́зни о тебе́ поём Бо́гу: Аллилу́иа.

И́кос 12

Поём твоя́ кре́пкия по́двиги, почита́ем страда́ния, хва́лим долготерпéние, ублажа́ем святу́ю твою́ кончи́ну, сла́вим твоё в немо́щнем те́ле непобеди́мое му́жество, имже на земли́ и на Небеси́ просла́вилася еси́, свята́я и добропобе́дная му́ченице Параске́во. И в честь твои́х победоно́сных по́двигов и страда́ний похва́льная воспису́ем ти сия́:

Ра́дуйся, от а́нгельских чино́в в сожи́тельство их любéзно прия́тая;

ра́дуйся, от де́вственных лико́в в черто́г не-
бе́сный ра́достно введе́нная.

Ра́дуйся, от му́ченических полко́в под венёц
сла́вы провожда́емая во гла́се ра́дования;

ра́дуйся, от небе́сных жителе́й прие́млющая о
Го́споде целова́ние.

Ра́дуйся, я́ко мзда твоя́ мно́га есть на
Небесе́х;

ра́дуйся, я́ко ра́дость твоя́ вёчна есть во
све́тлости святы́х.

Ра́дуйся, в небе́сном черто́зе Божё́ственного
Жениха́ твоего́ со а́нгелы Его́ весе́лящаяся;

ра́дуйся, лицезре́нием Всеблага́го Го́спода та́-
мо вку́пе со святы́ми наслажда́ющаяся.

Ра́дуйся, душе́вных и теле́сных неду́гов на́-
ших целите́льнице;

ра́дуйся, душеспаси́тельных благ и небе́сных
даро́в пода́тельнице.

Ра́дуйся, я́ко тобо́ю от неча́янная сме́рти
сохрани́тися упова́ем;

ра́дуйся, я́ко твои́м заступле́нием вёчную
жизнь от Христа́ Бо́га улучи́ти благонаде́жно
ча́ем.

Ра́дуйся, Параске́во, неvéсто Христо́ва
всехва́льная.

Конда́к 13

О свята́я премудра́я и всехва́льная мучени́це,
неvéсто Христо́ва Параске́во! От благоговейных
сердце́ц прино́симу́ю ти, а́ще и недосто́йную,
хвале́бную песнь́ сию́ приими́ от нас, я́ко
усер́дную же́ртву сердце́ц, любящих́ тя и
че́стующих́ святу́ю па́мь твою́. Охраня́й нас
моли́твами твои́ми святы́ми, и вся лю́ди, прите-
ка́ющия к честне́й ико́не твое́й и с любóвию
лобыза́ющия ю́, избавля́й от вся́каго зл́аго
обстоя́ния и ско́рби. Да т́хое и безмо́лвное жи-
ти́е пожив́ше в ны́нешнем ве́це, блаже́нство
ве́чное насле́дим, и ку́пно с тобо́ю и все́ми свя-
ты́ми вы́ну сподо́бимся воспева́ти Бо́гу: Алли-
лу́иа.

Этот конда́к чита́ется три́жды, зате́м и́кос 1-
й: «А́нгелом честну́ю...» и конда́к 1-й: «Избра́нной
Бо́гом от ро́да...».

Моли́тва

Свята́я неvéсто Христо́ва, многострада́льная
мучени́це Параске́во! Ве́мы, я́ко от ю́ности твое́я
ты все́ю душе́ю твое́ю и всем се́рдцем твои́м

возлюби́ла еси́ Царя́ Сла́вы, Христа́ Спаси́теля, и Ему́ еди́ному уневе́сти́лася еси́, разда́вши и́мения твоя́ неиму́щим и бе́дным. Ты си́лою благо́чества твоего́, твои́м целому́дрием и пра́ведностию, я́ко луча́ми со́лнечными, просия́ла еси́, жи́вши свято среди́ неве́рных и безбоя́зненно пропове́давши им Христа́ Бо́га. Ты, от дней ю́ности твоея́, науче́нная твои́ми роди́телями, всегда́ благоговейно че́ствовала дни искупите́льных страсте́й Го́спода на́шего Иису́са Христа́, Его́же ра́ди и сама́ доброво́льно пострада́ла еси́. Ты, десни́цею А́нгела Бо́жия от неисце́льных ран дивно́ исцелённая и восприя́вшая неизрече́нную свётлость, изуми́ла еси́ неве́рных мучи́телей. Ты, и́менем Го́спода на́шего Иису́са Христа́ и си́лою моли́твы твоея́ в ка́пище язы́ческом всех и́долов до́лу повер́гши, в прах сокруши́ла еси́ я́. Ты, опаля́емая свеща́ми, еди́ною моли́твою твоею́ ко все́сильному Го́споду угаси́ла еси́ огнь естество́нный, и тем же пла́менем, чуде́сне возжже́нным чрез А́нгела Бо́жия, попали́вши неисто́вых беззаконни́ков, мног наро́д привела́ еси́ к позна́нию и́стиннаго Бо́га. Ты, во сла́ву Го́спода прия́вши ме́чное главы́ твоея́ усече́ние от мучи́телей, до́блественно сконча́ла еси́ страда́льческий твой по́двиг,

возше́дши душо́ю тво́ею на Небеса́, в черто́г
вожде́ннаго твоего́ Жени́ха Христа́ Царя́ Сла́-
вы, ра́достно срéтшаго тя сим небéсным гла́сом:
«Ра́дуйтесь, пра́веднии, я́ко му́ченица Параске́ва
увенча́ся!» Те́мже и мы днесъ привéтствуем тя,
многострада́льная, и, взира́юще на святу́ю твою́
ико́ну, с уми́лением вопи́ем ти: всечестна́я
Параске́во! Ве́мы, я́ко ве́лие има́ши дерзнове́ние
ко Го́споду: умоли́ убо Его́, Человеколю́бца, и о
нас предстоя́щих и моля́щихся ти. Да пода́ст Он
и нам, я́коже тебе́, терпе́ние и благоду́шие в бе-
да́х и ско́рбных обстоя́ниях; да да́рует Он, хода́-
тайством твои́м и заступле́нием, ра́достное,
благоде́нственное и ми́рное жити́е, здра́вие же и
спасе́ние, и во всем благо́е поспеше́ние
возлю́бленному на́шему оте́честву да ниспо́слет
свято́е Своё́ благослове́ние и мир, и всем
правосла́вным христиа́ном да пода́ст твои́ми
святы́ми моли́твами утвержде́ние в ве́ре, благо-
че́стии и свя́тости, преспе́яние же в
христиа́нской любви́ и всякой добродéтели; да
очи́стит нас грéшных от вся́кия скве́рны и
поро́ка; да оградíт нас святы́ми Свои́ми
а́нгелами, да заступíт, сохранíт и поми́лует всех
свято́ю Своёю благода́тию и соде́лает насле́дни-
ками и прича́стниками Небéснаго Своего́ Ца́рст-

вия. И тако улучивше спасение твоими святы́ми
моли́твами, предста́тельством и заступле́нием,
всесла́вная неvéсто Христо́ва Параске́во, просла́-
вим вси пречестно́е и великолéпое и́мя дивнаго
во святы́х Свои́х и́стиннаго Бо́га, Отца́ и Сы́на и
Свята́го Ду́ха, всегда́, ны́не и прі́сно, и во ве́ки
веко́в. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО